

Na osnovu člana 48. Zakona o visokom obrazovanju Hercegovačko- neretvanskog kantona (Službene novine HNK broj: 4/12), članova od 49. do 52. Statuta Univerziteta „Džemal Bijedić“ u Mostaru, a u skladu sa Odlukom Senata, broj: 101-5657/25 od 25.12.2025. godine, Senat Univerziteta „Džemal Bijedić“ u Mostaru objavljuje

KONKURS ZA IZBOR REKTORA UNIVERZITETA „DŽEMAL BIJEDIĆ“ U MOSTARU

I

Organ rukovođenja Univerzitetom

Rektor je organ rukovođenja Univerziteta.

Rektora bira Senat tajnim glasanjem, nakon provedene procedure javnog konkursa, u skladu sa Statutom Univerziteta „Džemal Bijedić“ u Mostaru.

Rektor se bira na mandatni period od 4 (četiri) godine i isti može biti ponovno izabran.

Za rektora može biti izabran kandidat koji ispunjava opće i posebne uvjete.

II

Uvjeti za izbor rektora

Za rektora Univerziteta „Džemal Bijedić“ u Mostaru može biti izabran kandidat koji ispunjava sljedeće uvjete:

(1) Opći uvjeti za izbor rektora su:

- a) državljanstvo BiH,
- b) zdravstvena sposobnost za obavljanje poslova/funkcije rektora,
- c) nepostojanje osude za krivično djelo i privredni prijestup, koji predstavljaju smetnje za imenovanje na date poslove/funkciju, odnosno protek roka od 5 (pet) godina od dana izdržane, izvršene, zastarjele ili oprostene kazne,
- d) nepostojanje protiv njega odluke suda, kojom je tom licu zabranjeno obavljanje datih poslova/funkcije,
- e) nepostojanje protiv njega optužnice Međunarodnog suda za ratne zločine za bivšu Jugoslaviju (član IX.1. Ustava BiH).

(2) Posebni uvjeti za izbor rektora su:

- a) da je nastavnik u naučno-nastavnom zvanju redovnog profesora na Univerzitetu,
- b) da je na Univerzitetu u stalnom radnom odnosu, s punim radnim vremenom,
- c) da poznaje (aktivno govori) najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana s političkom partijom,
- e) da nema privatni finansijski interes na Univerzitetu.

(3) Kandidat za rektora dužan je, pored dokaza o ispunjavanju utvrđenih uvjeta, uz potpisanu prijavu na konkurs dostaviti i program rada i razvoja Univerziteta za mandatni period.

III

Način dokazivanja ispunjenja uvjeta za izbor rektora

Kandidati su dužni uz potpisanu prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata kao dokaz o ispunjavanju općih i posebnih uslova traženih ovim konkursom.

Uz potpisanu prijavu na konkurs i biografiju kandidati su dužni priložiti:

- Uvjerjenje o državljanstvu (original ili ovjerena kopija, ne stariji od 3 mjeseca),
- Odluku ili Potvrdu o izboru u naučno - nastavno zvanje redovnog profesora na Univerzitetu (original ili ovjerena kopija),
- Potvrda da je na Univerzitetu u stalnom radnom odnosu, s punim radnim vremenom,
- Potvrdu ili uvjerenje o poznavanju jednog stranog jezika (original ili ovjerena kopija),
- Ovjerenu izjavu da nema funkciju u izvršnim organima političke partije ili organizacije koja je povezana s političkom partijom (original),
- Ovjerenu izjavu da nema privatni finansijski interes na Univerzitetu (original),
- Program rada i razvoja Univerziteta za mandatni period.

Kandidat koji bude izabran dužan je dostaviti:

- Ljekarsko uvjerenje da je zdravstveno sposoban za obavljanje poslova/funkcije rektora, (original ili ovjerena kopija, ne stariji od 3 mjeseca),
- ovjerenu izjavu da ne postoji protiv njega optužnica Međunarodnog suda za ratne zločine za bivšu Jugoslaviju (član IX.1. Ustava BiH) - original,
- Uvjerenje da kandidat nije osuđivan za krivično djelo, koje predstavlja smetnje za imenovanje na date poslove /funkciju, odnosno da je protekao rok od 5 (pet) godina od dana izdržane, izvršene, zastarjele ili oprostene kazne (original ili ovjerena kopija, ne stariji od 3 mjeseca),
- Uvjerenje da kandidat nije osuđivan za privredni prijestup, koji predstavlja smetnje za imenovanje na date poslove /funkciju, odnosno da je protekao rok od 5 (pet) godina od dana izdržane, izvršene, zastarjele ili oprostene kazne (original ili ovjerena kopija, ne stariji od 3 mjeseca),
- Uvjerenje da ne postoji odluka suda kojom je kandidatu zabranjeno obavljanje datih poslova/funkcije (original ili ovjerena kopija, ne stariji od 3 mjeseca).

Konkurs za izbor rektora objavljuje se u dnevnom listu „Dnevni avaz“ i na Web-stranici Univerziteta, organizacijskih jedinica i njihovim oglasnim pločama, a rok za prijavljivanje kandidata je 15 (petnaest) dana od dana njegovog objavljivanja u „Dnevnom avazu“.

Prijava na Konkurs sa potrebnim dokazima dostavlja se u zatvorenoj koverti lično ili preporučenom pošiljkom, pod naslovom:

**"Prijava na javni konkurs sa naznakom ZA IZBOR REKTORA UNIVERZITETA "DŽEMAL BIJEDIĆ" U MOSTARU - NE OTVARAJ
na adresu: UNIVERZITET "DŽEMAL BIJEDIĆ" U MOSTARU, USRC MIDHAD HUJDUR HUJKA, SJEVERNI LOGOR b.b., 88 104 MOSTAR.**

Konkursna dokumentacija se neće vraćati. Nepotpune i neblagovremene prijave neće se uzimati u razmatranje.

Informacije o nadležnostima i odgovornostima, odnosno pravima i obavezama rektora Univerziteta „Džemal Bijedić“ u Mostaru, dostupne su na web stranici Univerziteta www.unmo.ba